

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11-34-9385-3/20
Sarajevo, 23.4.2020. godina

**SVIM OSNOVNIM I SREDNJIM ŠKOLAMA KANTONA SARAJEVO
UČENICIMA
RODITELJIMA**

PREDMET: Eksterna matura za učenike završnih razreda osnovne škole u školskoj 2019./2020. godini

Dragi učenici, cijenjeni roditelji i nastavnici, uvaženi direktori škola,

obavještavamo Vas da je Vlada Kantona Sarajevo na prijedlog Ministarstva za obrazovanje, nauku i mlade Kantona Sarajevo donijela Zaključak, broj: 02-04-9610-13/20 od 9.4.2020. godine, da se u školskoj 2019./2020. godini neće realizirati polaganje eksterne mature za učenike završnih razreda osnovne škole.

Na ovakav prijedlog smo se odlučili vodeći računa, prije svega, o sigurnosti učenika te ne želeći stvarati dodatni psihološki pritisak kako na učenike, tako i na njihove roditelje i nastavnike. Smatramo da u trenutnoj situacije učenici nemaju mogućnosti da se pripreme na adekvatan način za polaganje ovog za njih jako bitnog ispita, što bi za posljedicu moglo imati eventualno lošije rezultate koji bi znatno uticali na upis u srednju školu.

Takođe, svjesni smo činjenice da realizacija online nastave za radnike škole predstavlja dodatni izazov te bi, u ovim okolnostima, provođenje eksterne mature bilo dodatno opterećenje za sve sudionike pri čemu ne bi u potpunosti bila ostvarena svrha i cilj polaganja eksterne mature.

Podsjećamo Vas da je u čl. 7. stav (1) tačka c) i čl. 9. stav (1), tačka c) Odluke o kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, broj: 25/18), propisano je da je jedan od kriterija za upis učenika u prvi razred srednjih škola i rezultati postignuti na ispitima eksterne mature, koji se boduju sa maksimalno 30 bodova.

S obzirom da se eksterna matura polaže iz tri nastavna predmeta, maksimalan broj bodova koji se može osvojiti je 10 bodova za svaki nastavni predmet, što ukupno iznosi 30 bodova.

U školskoj 2019/2020. godini ekvivalent bodova eksterne mature utvrđuje se na sljedeći način:

za svaki nastavni predmet pojedinačno iz kojeg se polaže eksterna matura-Bosanski jezik i književnost, Hrvatski jezik i književnost i Srpski jezik i književnost, Matematika i prvi



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1




strani jezik izvršit će se zbrajanje zaključnih ocjena u posljednje 4 godine školovanja (6., 7., 8. i 9. razred) te dobijeni zbir podijeliti sa brojem 2.

Bodovanje učenika vršit će se automatski kroz EMIS sistem na osnovu uspjeha učenika (6., 7., 8. i 9. razred) kao broj bodova za eksternu maturu. Za osnovne škole koje su registrovane za rad po međunarodnim programima na isti način će se izvršiti bodovanje učenika.

Osnovne škole u koje se učenici prijave iz drugih kantona, su također dužne na isti način izvršiti bodovanje tri nastavna predmeta iz kojih se polaže eksterna matura i podatke unijeti u EMIS sistem, po istom modelu kao i u prethodnim školskim godinama.

Uvjereni smo da bi učenici i na eksternoj maturi ostvarili izvanredne rezultate, ali njihovo znanje i sposobnosti koje su stekli u osnovnoj školi će u potpunosti doći do izražaja u nastavku njihovog obrazovanja u srednjim školama.

Informatičke vještine učenika, ojačane kroz online nastavu, u kojoj su pokazali znanje, ozbiljnost i odgovornost na najvišem nivou, biti će od velike pomoći u nastavku školovanja i za uspješno ostvarivanje životnih ciljeva.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

